

II - ARABAKO LURRALDE HISTORIKOAREN TOKI ADMINISTRAZIOA

AMURRIOKO UDALA

Behin betiko onarpena ematea udalaren 3. zerga ordenantza aldatzeari, zeinak trakzio mekanikoko ibilgailuen gaineko zerga arautzen baitu

Amaitu delarik epea erreklamazioak aurkezteko Udalbatzak 2017ko urriaren 26ko bilkuran hartu eta 2017ko azaroaren 8ko ALHAOn, 128. zenbakian, argitaratu zen erabakiaren aurka, zeinak behin-behineko onarpena eman baitzion trakzio mekanikoko ibilgailuen gaineko zerga arautzen duen 3 zenbakiko zerga ordenantzaren aldatzeari (espediente zenbakia: 17204C2134), eta inolako erreklamaziorik aurkeztu ez denez, bat etorritz martxoaren 5eko 2/2004 Legegintzako Errege Dekretuak, toki ogasunak arautzen dituen legearen testu bateratua onartzen duenak, 17.3 artikuluan ezarritakoarekin, erabaki hori behin betiko bihurtzen da, eta argitaratu egiten da, apirilaren 2ko 7/1985 Legeak 70.2 artikuluan eta aipatutako 2/2004 Legegintzako Errege Dekretuak, toki ogasunak arautzen dituen legearen testu bateratua onartzen duenak, 17.4 artikuluan jasotakoaren ondorioetarako, zerga ordenantza horren testu osoa argitaratuz, zeina indarrean jarriko baita ALHAOn argitaratu eta hurrengo egunetik aurrera. Hona testua, hitzez hitz:

UDALAREN 3. ZERGA ORDENANTZA, TRAKZIO MEKANIKOKO IBILGAILUEN GAINEKO ZERGA ARAUTZEN DUENA

I. XEDAPEN OROKORRAK

1. artikulua

Udalak ordenantza honen arabera eskatzen du trakzio mekanikoko ibilgailuen gaineko zerga, Arabako lurralde historikoko toki ogasunak arautzen dituen foru arauan eta zerga honi buruzko foru arauan ezarritakoari jarraituz.

2. artikulua

Ordenantza hau udalerrri osoan aplikatzekoa da.

II. ZERGA GAIA

3. artikulua

Zerga gaia dira:

1. Bide publikoetatik ibil daitezkeen trakzio mekanikoko ibilgailuen titularra izatea, ibilgailuak edozein mota eta kategoriatakoak direla ere, zirkulazio baimenean zehazten den helbidea Amurriokoa bada.

2. Ibilgailua zirkulaziorako gai da baldin eta dagozkion erregistro publikoetan matrikulatuta badago, eta baja eman gabe. Zerga honen ondorioetarako, aldi baterako baimena duten ibilgailuak eta turismo matrikula dutenak ere zirkulatzeko egokiak joko dira.

3. Ez zaie zerga hau ezarriko ondoko hauei:

a) Antzinako modeloa izanik erregistroetan baja emanda dauden ibilgailuei, nahiz eta, salbuespen gisa, horrelako autoen erakustaldi, txapelketa edo lasterketa mugatuetan ibiltzeko baimena izan.

b) Trakzio mekanikoko ibilgailuek tiratutako atoi eta erdi atoei, baldin eta haien zama erabilgarria 750 kilogramo baino gehiagokoa ez bada.

III. SALBUESPENAK ETA HOBARIAK

4. artikulua

1. Zergaren kargatik salbuetsita egongo dira:

a) Estatuaren, Euskal Autonomia Erkidegoaren, Arabako Foru Aldundiaren eta toki erakundeen ibilgailuak, defentsara edo herritarren babesera atxikitakoak.

b) Beste herrialde batzuetako ordezkari diplomatikoen, kontsul bulegoetako kideen, agente diplomatikoen eta kontsul funtzionarioen ibilgailuak, baldin eta herrialdeko herritarrak badira eta ibilgailua kanpoaldean identifikatuta badago, eta elkarrekiko salbuespena badago, hedapen eta maila berekoa.

Era berean, Espainian egoitza edo bulegoa duten nazioarteko erakundeen ibilgailuak, eta bertako funtzionarioen edo estatutu diplomatikoa duten kideen ibilgailuak ere.

c) Nazioarteko itunen edo hitzarmenen bidez salbuetsita dauden ibilgailuak.

d) Anbulantziak eta osasun laguntzako ibilgailuak, eta zaurituak edo gaixoak garraiatzeko erabiltzen direnak.

e) Mugitzeko eragozpenak dituzten pertsonentzako ibilgailuak, abenduaren 23ko 2822/1998 Errege Dekretuaren bidez onartutako ibilgailuen araudi orokorraren II. eranskineko A letran adierazitakoak, baldin eta ezindu baten izenean matrikulatuta badaude.

Gainera, zergaren kargatik salbuetsita daude ezinduen izenean matrikulatutako 14 zaldi iskaletik beherako ibilgailuak, haiek bakarrik erabiltzeko badira. Salbuespen hori egoerak dirauen bitartean bakarrik aplikatuko da, bai elbarriek gidatutako ibilgailuen kasuan, bai elbarriak eramateko ibilgailuen kasuan.

Ibilgailuen zergatik salbuetsita egongo dira, halaber, ibilgailuen titularrak, baldin eta, guraso ahala, tutoretza, edo kuradoretza dela medio, beren kargura badute ehuneko 65eko ezintasuna edo handiagoa duen pertsonaren bat.

Aurreko hiru paragrafoetan aurreikusitako salbuespenak ez zaizkie aplikatuko subjektu pasibo edo ezinduei ibilgailu bat baino gehiagotatik aldi berean.

Letra honetan xedatzen denaren ondorioetarako honako hauek dira ezinduak:

e.1) Ehuneko 33 - 65 bitarteko minusbaliotasun gradua onartuta dutela, mugitzeko gaitasuna murriztuta daukaten pertsonak. Honako hauek dute mugitzeko gaitasuna murriztuta: abenduaren 23ko 1971/1999 Errege Dekretuak, minusbaliotasun gradua onartu, adierazi eta kalifikatzeko prozedurarenak, III. eranskineko baremoko A, B eta C letretan azaltzen diren egoeretako batean daudenak eta baremo horretako D, E, F, G edo H letran 7 puntu edo gehiago dituztenak.

e.2) Ehuneko 65eko minusbaliotasuna edo handiagoa duten pertsonak.

Aurreko e.1) eta e.2) letretan sartuta dauden pertsonen artean, 1971/1999 Errege Dekretuko III. eranskin gisa agertzen den baremoan A letrako mugitu ezintasunaren egoeran daudenei, ez zaie aplikatuko 14 zerga zaldien muga, baldin eta ibilgailua gorpil aukiekin erabiltzeko egokituta badago.

f) Hiriko garraio publikorako autobusak, mikrobusak eta gainerako ibilgailuak, bederatzi plaza baino gehiago dituztenak, gidaria barne.

g) Nekazaritzako Ikuskatze Txartela duten traktore, atoi, erdi-atoi eta makinak.

2. Artikulu honetako 1. idatz zatiko e) eta g) letretan aipatzen diren salbuespenez gozatu ahal izateko, interesdunek eskatu egin beharko dituzte eta, horretarako, ibilgailuaren ezaugarriak, matrikula eta hobariaren arrazoia adierazi beharko dituzte. Salbuespena eskaera egin den ekitaldian sartuko da indarrean. Udal administrazioak salbuespena onartu ostean, horren ziurtagiria emango da.

Lehenengo idatz zatiko e) letraren bigarren paragrafoan aurreikusitako salbuespenari dagokionez, interesdunak Gizarte Ongizateko Foru Erakundeak emandako agiria aurkeztu beharko du, ezintasuna eta, hala badagokio, mugikortasun murriztuko gabezia-egoera egiaztatzen duena, eta zinpeko aitortpena, adieraziz salbuespena egin nahi den ibilgailua ezinduek erabiltzeko soilik dela eta ez daukala salbuespenik beste ibilgailuren batengatik.

3. (Ezabatu egin da).

4. (Ezabatu egin da).

5. Zerga kuotaren ehuneko 25eko hobaria izango dute 5 leku edo gehiagoko ibilgailuek, baldin eta jabea familia ugari kide bada, indarrean dagoen araudian ezarritakoaren arabera. Familia ugari bakoitzeko ibilgailu bat baino ez da izango hobaridun.

6. Hobari hori ez da emango, sekula, o¹zioz, eta interesdunak eskaera egin beharko du zergaren sortzapen urtean, familia ugariaren tituluaren fotokopia konpultsatua erantsita.

7. Kamioi, furgoi, furgoneta, ibilgailu misto egokigarri, autobus eta autokar motetako ibilgailu automobilerak hobaria izango dute zergaren kuotan motorren ezaugarrien, erabiltzen duten erregaiaren eta konbustioak ingurumeneari duen eraginaren arabera, baldintza eta betekizun hauetakoren bat betetzen badute:

a) Ibilgailu hibrido izatea (motor elektrikoa-gasolina, motor elektrikoa-diesela edo motor elektrikoa-gasa), eta fabrika bertan homologatua izatea, kutsagarriak diren isuriak gutxitzeko euren mota eta modelora egokitutako katalizagailu eta guzti.

b) Erregai malguko ibilgailua izatea (E²xi-fuel FFV ibilgailuak); hau da, E85 (ehuneko 85 bioetanol eta ehuneko 15 gasolina) izeneko nahastearen bidez ibiltzeko prestatuta dauden ibilgailu fabrika bertan homologatuak.

a) eta b) kasuetako ibilgailuei zerga kuotaren ehuneko 50eko hobaria emango zaie, lehenengo matrikulatu zirenetik lau urte naturaletan.

c) Gasolina edo gasoliozko turismo ibilgailu berriak izatea, zeinen marka eta modelo ibilgailu eraginkorren artean, A energia eraginkortasuna sailkapenarekin, egongo baita, Energia Dibertsifikatzeko eta Aurrezteko Institutuaren arabera, abuztuaren 2ko 837/2002 Errege Dekretuak, Espainiako lurraldean salgai jartzen diren edo E³antza alokairuan eskaintzen diren turismo berrien erregai kontsumoaren eta CO₂ isurketen gaineko informazioa arautzen duenak, xedatutako moduan. Ibilgailu horiei zerga kuotaren ehuneko 25eko hobaria emango zaie, lehenengo matrikulatu zirenetik bi urte naturaletan.

d) Motor elektrikoko ibilgailuak eta/edo ezer isurtzen ez dutenak izatea. Ibilgailu horiei zerga kuotaren ehuneko 50eko hobaria emango zaie.

8. Aurreko idatz zatian jasotako hobariak jasotzeko, interesdunek eskatu egin beharko dituzte, eta eskatzen duten ekitaldian sartuko dira indarrean; ez dira barruan sartuko eskaera egin baino lehenagoko kuotak.

9. Udalak ibilgailuaren ezaugarri teknikoaren egiaztagiria eta zirkulazio baimena eskatu ahal izango du, salbuespen eta hobari horiek emateko.

10. 5 eta 7 idatz zatietan xedatutako hobariak bateraezinak dira elkarren artean eta portzentaje altuena duena aplikatuko da.

IV. SUBJEKTU PASIBOAK

5. artikulua

Zerga honen subjektu pasiboak dira zirkulazio baimenean ibilgailua beren izenean duten pertsona fisiko edo juridikoak eta zergei buruzko foru arau orokorraren 35. artikulua 3. idatz zatiak aipatzen dituen erakundeak.

V. KUOTA

6. artikulua



1. Tarifan taula honen arabera eskatuko da zerga:

POTENTZIA ETA IBILGAILU MOTA	KUOTA/EUROAK
A) TURISMOAK	
8 zaldi  baino gutxiago	21,03
8 eta 11,99 zaldi  bitartean	56,81
12 eta 15,99 zaldi  bitartean	119,91
16 eta 19,99 zaldi  bitartean	149,35
20 zaldi  baino gehiago	194,87
B) AUTOBUSAK	
21 plaza baino gutxiago	138,85
21 eta 50 plaza bitartean	197,73
50 plaza baino gehiago	247,17
C) KAMIOIAK	
Zama erabilgarria 1000 kilogramo baino gutxiago	70,47
Zama erabilgarria: 1000 - 2999 kg	138,85
Zama erabilgarria: 2999 - 9999 kg	197,73
9999 kilogramo baino gehiagoko zama erabilgarria dutenak	247,17
D) TRAKTOREAK	
16 zaldi  baino gutxiago	29,44
16 eta 25 zaldi  bitartean	46,28
25 zaldi  baino gehiago	138,85
E) TRAKZIO MEKANIKO IBILGAILUEK TIRATUTAKO ATOI ETA ERDI-ATOIAK	
Zama erabilgarria 750 eta 1000 kilogramo bitartean	29,44
Zama erabilgarria: 1000 - 2999 kg	46,28
Zama erabilgarria: > 2999 kg	138,85
F) BESTE IBILGAILU BATZUK	
Ziklomotorrak	7,37
Motozikletak: 125 cm ³ arte	7,37
Motozikletak: >125 eta 250 cm ³ arte	12,61
Motozikletak: > 250 eta 500 cm ³ arte	25,25
Motozikletak: > 500 eta 1000 cm ³ arte	50,50
Motozikletak: > 1000 cm ³	100,99


2. Tarifak ezarri ahal izateko, indarreko araudiak arautegirik garatuta ez duenez, ondoko irizpide hauei jarraituko zaie:

a) Kuartzikloek motozikletek ordaintzen duten adinako zerga ordainduko dute, zenbat zentimetro kubiko dituzten.

b) Betiere, Tarifan D) letran azaltzen den "traktore" izendapen orokorraren barruan sartzen dira "traktokamioiak" eta "obra eta zerbitzuetarako traktoreak".

c) Zaldi  skaletan adierazten den potentzia indarrean dagoen araudiaren arabera  katuko da.

d) Karabanek atoiak ordaintzen duten adinako zerga ordainduko dute, zama erabilgarriko kilogramoak zenbat diren.

e) Autokarabanek turismoek adinako zerga ordainduko dute, zenbat zaldi  skal dituzten.

f) Egokitu daitezkeen ibilgailu mistoek kamioiek ordaintzen duten adinako zerga ordainduko dute, zama erabilgarriko kilogramoak zenbat diren.

VI. ZERGALDIA ETA SORTZAPENA

7. artikulua

1. Zergaldia urte naturalarekin bat dator, salbu eta ibilgailua lehenengoz eskuratu bada edo baja eman bazaio. Kasu horietan, zergaldia ibilgailua eskuratzen den egunean bertan hasiko da, edo trafikoko buruzagitzan baja ematen den egunean amaitu.

2. Zergaldiaren lehen egunean sortuko da zerga.

3. Ibilgailua lehen aldiz eskuratzean, zergaren kuota eskuratze egunetik abenduaren 31ra bitarteko aldiari dagokion proportzioari dagokiona izango da, edo ibilgailuaren baja ematen den egunera arteko aldiari dagokiona, kasua hori bada.

4. Ibilgailuari baja ematen bazaio, zergaren kuota kalkulatzeko, urtarrilaren 1etik trafikoko buruzagitzan ibilgailuari baja ematen zaion egunera bitarteko aldiari dagokion proportzioa hartuko da kontuan.

VII. KUDEAKETA

8. artikulua

Ibilgailuaren zirkulazio baimenean agertzen den herriko udalari dagokio kudeaketa, likidazioa, ikuskatzea eta bilketa, bai eta zerga kudeaketako bidean emandako egintzak berrikustea ere.

9. artikulua

Udalak autolikidazioaren bidez eskatu ahal izango du zerga hau.

10. artikulua

Udal administrazioak edo erakundea erakunde laguntzaileak emandako ordainagiria izango da zerga ordaindu izanaren egiaztatzea.

11. artikulua

Ekitaldi bakoitzeko bigarren hiru hilabete ordainduko da zerga; ez, ordea, hurrengo artikuluan jasotzen diren kasuetan, horrelakoetan bertan xedatutakoari jarraituko zaio eta.

12. artikulua

1. Trafikoko buruzagitzan matrikulazioa, zirkulatzeko gaitasun egiaztatzea edo ibilgailuaren behin betiko baja eskatzen dutenek, aldez aurretik, zerga ordaindu dutela egiaztatzea beharko dute.

2. Betebehar hori bera izango dute ibilgailuen titularrek trafikoko buruzagitzari haien eraldaketa jakinarazten badiote eta eraldaketa horrek haren sailkapena aldatzen badu zerga honen ondorioetarako, bai eta transferentzia eta ibilgailuaren zirkulazio baimenean jasotzen den helbide aldaketa egiten bada ere.

3. Trafikoko buruzagitzek ez dituzte ibilgailuen baja edo transferentzia espedienteak izapidetuko, aldez aurretik zerga ordaindu izana egiaztatzen ez bada.

Matrikulazio berria bada, edo, zergen ondorioetarako, ibilgailuaren sailkapena aldatuko duen bestelako aldaketaren bat, matrikulazioaren edo aldaketaren ondoren, hogeita hamar egun balioduneko epean, interesdunek honako agiri hauek aurkeztu beharko dituzte udal administrazioan, zergaren matrikulan sartzeko:

- a) Zirkulazioko baimena.
- b) Ezaugarri teknikoen ziurtagiria.
- c) NAN / IFK

VIII. XEDAPEN IRAGANKORRA

Trakzio mekaniko ibilgailuen gaineko zerga ezartzen hasten den egunean zirkulazioaren gaineko udal zergan hobariren bat dutenek zerga honetan ere dituzten hobari berberak izango dituzte, hobariak indargabe gelditu arte, eta hobarien indarraldia naturik ez balego, indargabe deklaratu da 1992ko abenduaren 31tik aurrera.

IX. XEDAPEN INDARGABETZAILEA

(Ezabatu egin da).

IX. AZKEN XEDAPENA

Udalaren 3. zerga ordenantza, trakzio mekanikoko ibilgailuen gaineko zerga arautzen duena, 2018ko urtarrilaren 1ean jarriko da indarrean, eta horrela jarraituko du haren aldaketa edo indargabetzea onartu arte.”

Amurrio, 2017ko abenduaren 26a

Alkatea

JOSUNE IRABIEN MARIGORTA